

Mazarin
3517

Les Ressentimens
de la ville de Paris

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL

Mazarin
3517

UNIVERSITY OF N.C. AT CHAPEL HILL



00023020017

L E S

3517

RESSENTIMENS
DE LA VILLE DE PARIS,
SVR LES OBLIGATIONS
Qu'elle a à la genereuse Protection

D E

MONSEIGNEVR
L E D V C

D E

BEAUFORT.



A PARIS,

Chez PIERRE DV PONT, au Mont Saint Hilaire,
prés le Puits Certain.

M. DC. XLIX.

RECEIVED

DEPT. OF THE INTERIOR

SURVEYING DIVISION

WASHINGTON, D.C.

NOV 10 1894

TO THE

DEPT.

BEAUFORT

NOV 10 1894

NOV 10 1894

RECEIVED

DEPT. OF THE INTERIOR

SURVEYING DIVISION

WASHINGTON, D.C.



L E S

R E S S E N T I M E N S

De la Ville de Paris, sur les obligations
qu'elle a à la genereuse Protection de
Monseigneur le Duc de Beaufort.



M O N S E I G N E V R ,

La plus parfaite Eloquence des hommes reste inutile,
& demeure impuissante, lors que l'on entreprend les
loüanges des grandes actions d'un Heros comme vous;
chacun connoist que cet art ne sert qu'à exagerer, & em-
belir les choses: Mais ces actions heroïques que vostre
Altesse met continuellement au iour, avec vne generale
admiration, n'ont pas besoin d'emprunter leur esclat, &
leur splendeur de l'artifice: Puis qu'elles contiennent
tout en elles, & qu'elles surpassent cette flateuse & char-
mante lumiere des esprits: Ainsi l'on n'en scauroit parler
plus dignement que de les représenter avec fidelité tel-
les qu'elles sont, & elles sont s'y grandes d'elles mes-
mes, qu'il est impossible d'exprimer naïfvement les pen-
sées qu'un sujet si releué inspire, & fait concevoir: Ce
n'est donc pas sans vne iuste raison que ie dois craindre
de faire un tableau, que vous ne reconnoissiez pas, & que
vous des-aduouez, n'ayant point de ressemblance à son

A ij

original naturel: Il n'y a que vostre Eloquence seule, MONSEIGNEVR, jointe a la connoissance que vous auez de vous-mesme, qui puisse réüssir aduantageusement à vne si belle peinture: Car les vertus sublimes, les graces sans nombre, & les perfections immortelles, que possede vostre Altesse, ne se peuuent d'escire par la plume d'un mortel: enfin il n'appartient certainement qu'à un esprit angelique comme le vostre, de trauailler à un sujet si auguste: Mais il est vray aussi que vostre Modestie vous deffend cette pensée, & si vous la conceuiez, elle la destruiroit dès sa naissance, puisque mesme ie m'aperçois qu'elle m'impose le silence; Toutefois, MONSEIGNEVR, ie suis trop obligé de luy desobeïr, ie ne dois plus estre insensible & muet, il faut que ie surmonte mon naturel en cette occasion, il faut que ie tesmoigne à tout le monde la sensibilité que i'ay de vos bien-fais, & que ie rompe ce silence ordinaire en les publiât à la posterité: Ouy parlons, ne differons pas dauantage: Mais ie reconnois encores que cette modestie a conspiré avec mon genie, qui m'abandonne en cét rencontre, & deffend à ma temerité de me hazarder en vne entreprise où ma reputation voit sa perte asseurée: Non ie me trompe, ie doit poursuiure mon dessein: Il vaut mieux encourir la censure que merite vn oeuvre rempant, & porter la peine d'une presumption blasmable, que d'estre aculé d'une noire ingratitude, & atteint du crime d'une lasche mesconnoissance: C'est là bien plustost où ma reputation trouueroit son naufrage: Permettez-moy donc, MONSEIGNEVR, que ie commence l'Eloge de vos actions miraculeuses, en disant que le commence-

ment

ment de vostre belle vie, a fait préjuger de la grandeur de sa suite. Ce genereux courage que vous avez fait voir dès les premieres années de vostre âge, où vous avez recherché les occasions pour le signaler, a donné en mesme temps, vne preuue asseurée que vous deuiez paroistre en Mars, comme sa viuante image.

Le choix que le deffunct Roy fist de vostre Personne, pour la garde des Enfans de France, & auoir la charge d'un si cher depost, tesmoigne assez qu'il vous en auoit reconnu digne; qu'il vous estimoit infiniment; que vostre prudence, vostre affection, & vostre fidelité, meritoient cette faueur Illustre & sans doute vn si beau choix se fit par vne inspiration celeste, puisque vous estiez predestiné pour soustenir les interets du Roy, & releuer la vraye autorité Royale; aussi cette pensée m'a-t'elle tousiours conserué l'esperance, que vous respondiez à nostre attente; & enfin l'on doit reconnoistre que vous n'avez esté destiné de Dieu, que pour les grandes choses, & les actions les plus sublimes: mais si l'enuie vous à ravy l'honneur de garder ces chers gages de nostre felicité, ne voyons-nous pas que nostre bonne fortune vous à conduit en eschange, à la garde de la merueille du monde, à la protection du Trosne des Roys de France; à la deffen- ce de la Ville Capitale du Royaume, & à la conseruation de la vie d'un milion d'ames qui immortaliseront vostre generosité, & vous beniront eternellement.

Vostre constance en vne longue & dure captiuité où vostre innocence a esté iniustement opprimée par vne accusation calomnieuse, ne marque-t'elle pas la force & la grandeur de vostre vertu? Ce grand Dieu vous en a

deliuré par vn miracle ; afin que cette innocence opprimée fust reconnüe à la confusion de vos accusateurs & aussi sa volonté a esté telle que par vostre moyen il se fist de miraculeux effets pour la deliurance de tout vn peuple oppressé de douleur qui publiera eternellement les obligations qu'il a à vostre protection , voyez donc que d'Auteur de la nature s'est declaré vostre Protecteur & le nostre , il nous a garentis & il vous donnera des recompences illustres en cemonde, & comme il vous en prepare de glorieuses, & immortelles en l'autre :

Veritablement , MONSIEUR, il faut que vos actions soient sans pareilles, & qu'elles surpassent l'imagination des hommes , puis qu'elles sont estimées, & reçoivent des applaudissement par la voix vniuerselle d'une populace composée de tant de differents esprits, & dont les sentimens, & les boutades ont souuent si peu de rapport, & de correspondance : C'est la chose la plus difficile de toutes, de satisfaire vn chacun ; les actions les plus belles ne reçoivent iamais vne generale approbation du public: si l'un les approuue, l'autre les reprouue, si quelqu'un les louë, l'autre les blasme, & si l'un a de l'amour & de la passion, l'autre a de la haine, ou du moins de l'indifference, il n'y a que les vostres, MONSIEUR, qui ayent remporté cet aduantage ; & lors que l'on attire comme vous l'affection & la bienveillance de tout le peuple à vn si haut degré, l'on doit iuger de là, qu'une telle personne possède des perfections & des qualitez surnaturelles ; Ah ! MONSIEUR, que cette affection est iuste, qu'elle est bien fondée, & que l'on a de raison de l'auoir conceüe, l'ayant cimentée ainsi que vous auez

fait; quand vne armée victorieuse qui donne de la terreur aux plus hardis, quand sous vn pretexte specieux de maintenir l'autorité Royale deguisée, l'on conspire la ruine & la perte d'une ville qui contient vn second Monde; & quand des troupes agueries attentent à la vie, portent la mort à tant de peuples, desolent les campagnes, mettent aveuglement l'Estat en proye pour satisfaire à des passions & à des vengeance; vous au contraire, esmeu de me voir sur le penchant d'un si dangereux precipice, & blessé de reconnoistre la veritable autorité du Roy esteinte, vous acourez à nostre secours, & venez nous releuer du tombeau, nonobstant tous les dangereux effets, les desaduantages, les disgraces qui vous en peuuent arriuer, & mesprisant la faueur, passant sur toutes sortes de considérations, vous suiuez les sentimens de l'ancienne vertu Romaine, qui vous fait preferer vne gloire asseurée, & des loüanges immortelles, à des vains honneurs, & des flateries de Cour, qui n'ebloüissent que les ames capables de lascheté. Aussi auez vous vn cœur qui montre que le sang qu'il enferme est vn sang veritablement Royal, & Illustre, qui ne degenerate en rien de celui de ses Ancestres.

Ne dois-je pas dire encore, Monseigneur, que vostre generosité est sans exemple, n'avez vous pas combattu contre la mort, pour conseruer la vie à tant de milliers d'ames qui alloient succomber par la faim? N'avez vous point hazardé tant de fois vostre vie pour asseurer la leur? Et ne semble-il pas que vous ayez voulu les nourrir de vostre sang mesme? Puisque vous l'avez prodigné pour leur faire auoir incessamment des viures? Ah! que vous estes vn Beaufort à mes Citoyens, & que vostre defence estoit necessaire à leur salut.

Il se trouue peu de personnes comme vous , qui embrassent avec tant d'ardeur la protection des miseres publiques , & de l'innocence persecutée , le peuple le plus grossier le reconnoit bien : Quant à moy , Monseigneur , encores que mon impuissance trahisse mon zele , ie ne laisse pas de faire mes efforts pour vous en tesmoigner mes ressentimens. Et si autrefois Paris par vn iugement équitable adiugea le prix de la beauté à Venus , souffrez aussi que pour le prix de vos soins , & de vos defences genereuses & triomphantes : Paris vous offre maintenant des louanges & des actions degraces , comme à vn Mars , non pas celles qui vous son deuës , car elles deuroient estre infinies , mais au moins celles qui sont en mon pouuoir.

Enfin , Monseigneur , reconnoissez que vos actions sont grandes , & que vostre Eloge doit estre semblable , puis qu'elles forcent vn corps comme le mien sans voix & sans veuë de parler , & de voir : Ouy , Monseigneur , ie le dis dedans nostre infortune i'ay vn plaisir incroyable , & vne esperance aduantageuse , vous voyant aller aux combats avec vne ardeur de vaincre que l'on remarque dans le feu de vos yeux , la hauteur de vostre taille , ce port maiestueux , cette beauté Martiale , ces graces merueilleuses , & ce ie ne sçay quoy charmât m'inspire des desirs de vous suiure tousiours pour conseruer vne veuë si agreable que la vostre , mais vous rauisez encore bien plus vn chacun quand l'on vous voit reuenir victorieux , accōpagné de ces rares perfections du corps , que la Nature a jointes à celles de vostre ame : Ie souhaite pour l'vn & pour l'autre vne felicité eternelle ; Ce sont les vœux que ie dois faire , & que vous proteste de garder inuiolablement ,

Cé 7. Mars 1646.

P A R I S.

